

Buletin IQRA'

2026

Bil. 1/2026 - Januari • eISSN: 2735-1920

Jelajah Ilmu Perkukuh Peranan Perpustakaan UiTM sebagai Rakan Strategik Akademik

SHAH ALAM, 15 Januari 2026 – Perpustakaan Tun Abdul Razak (Sains dan Teknologi), Universiti Teknologi MARA (UiTM) dengan kerjasama strategik Fakulti Sains Komputer dan Matematik (FSKM) telah menganjurkan Program Jelajah Ilmu – Library Open Day, satu inisiatif berimpak tinggi yang memfokuskan pemerkasaan literasi maklumat, pendigitalan sumber serta sokongan penyelidikan universiti.

Program yang berlangsung di Actuarial Resource Centre, FSKM ini bertujuan memperluas kesedaran warga akademik terhadap peranan perpustakaan sebagai rakan strategik pembelajaran dan penyelidikan, selari dengan aspirasi UiTM dalam membudayakan penggunaan ilmu secara berkesan dan berteraskan teknologi.

Menurut Ketua Pustakawan UiTM, Ts. Haji Azizi bin Haji Jantan, penganjuran Program Jelajah Ilmu mencerminkan pendekatan proaktif perpustakaan dalam mendekati komuniti akademik secara langsung.

Penganjuran Program Jelajah Ilmu ini mendapat sambutan positif daripada pelajar, pensyarah dan penyelidik FSKM yang memanfaatkan peluang mendapatkan bimbingan secara langsung daripada pustakawan dan koordinator PRIME. Program ini turut meningkatkan kesedaran warga fakulti terhadap kepentingan kemahiran Bacaan Pantas sebagai satu nilai tambah dalam pembelajaran dan pengurusan bahan akademik.

Inisiatif ini membuktikan komitmen berterusan Perpustakaan UiTM dalam memperkasa ekosistem akademik universiti melalui pendekatan inovatif dan kolaboratif, selari dengan aspirasi UiTM untuk melahirkan graduan berilmu, berdaya saing dan berfikiran global.



Jabatan Perpustakaan Memperolehi Pencapaian Cemerlang 98%.

Jabatan Perpustakaan telah menjalani Audit Pemuatan Dasar ICT pada 13 hingga 15 Januari 2026 yang dilaksanakan oleh Jabatan Digital UiTM. Skop audit merangkumi pemuatan terhadap dasar dan garis panduan berdasarkan dokumen Dasar ICT UiTM.

Mesyuarat Penutup Audit Pemuatan Dasar ICT yang diadakan pada 15 Januari 2026 turut melaporkan hasil dapatan audit di mana Jabatan Perpustakaan telah berjaya memperolehi markah cemerlang sebanyak 98% (5 Bintang). Tahniah diucapkan kepada semua bahagian atas penglibatan dan kerjasama yang diberikan sepanjang proses audit dijalankan.





@libraryuitm



@libraryuitm



@perpustakaanuitm



@uitmlibrary



@perpustakaanuitm

Hubungi kami:

03 5521 1704

korporatptar@uitm.edu.my

*Unit Korporat dan Kolaborasi,
Perpustakaan Tun Abdul Razak,
Universiti Teknologi MARA,
40450, Shah Alam*